

CV - Erik Solheim

Erik Solheim lea jáhkkinis áidna stáhtaráđđi máilmmis gii biras- ja ovddidanministtarin doaimmaha áššiid lotnolasat. Mihttomearrin lea jodihit našunála ja riikkaidgaskasaš álgagiid mat váldet vuhtii oktavuodaid gaskal ovdánahttima ja birrasa.

Dálkkádat ja biras

Deháleamos boadus maid son lea olahán stáhtaráđđin lea norgga dálkkádat- ja vuovdedoaibma. Norga bargá ovttas Brasilain, Indonesiain, Guyanain ja eará riikkaiguin suodjalit arvevuoddiid ja oaččuhit áigái ceavzilis ovdáneami. Dát bargu lea boktán beroštumiid badjel riikkarájiid ja lea evttohuvvon áššin dálkkádatšiehtadallamiidda (REDD+).



Solheim lea maid ožžon sadjai luonddušládđjivuodálága, maid olusat navdet dán 100 jagi Norgga deháleamos birasláhkkan. Son lea suodjalan moanaid álbmotmehciid ja Oslo-meahcci. Solheim jodihii Norgga dálkkádatšiehtadallamiid njealji válđochoahkkimis Bali rájes Cancun rádjái. Son lei barggu guovddázis go riikkaidgaskasaš luonddušládđjivuodašiehtadus dohkkehuvvui Nagoyas Japánas jagi 2010.

Ráfibargu ja ovddideapmi

Solheim áiggi lea Norgga veahkki olgoriikii lassánan ovttain proseanttain bruttoálbmotsisaboadus, mii lea stuorimus oassi máilmmis. Solheim lea jodihan olgoriikkaveahki politihkalaččat dan guvlui ahte deattuhit riidduid eastademiid ja bargokapitála, vearru ja ealáhusat galget leat mutuvran ovdánahttimii, ovttastahttit olgoriikkaveahki oppalaš olgoriikapolitihkkii ja fuolahit ahte ovdánahttinriikkat besset bearráigeahččat iežaset sisaboaduid Olju ovddideapmái ja Vearru ovddideapmái prográmmaid bokte. Solheim deattuha priváhta suoggi doaimmaid ovddidemiid oktavuodas.

Jagi 2000 rájes 2005 rádjái lea Solheim leamaš ráfibarggu válđoláguideaddjin Sri Lankas. Ráfibarggu boadus lei veajjoluottašiehtadus ja nu gohčoduvvon Oslo-julggaštus foderála stáhta birra Sri Lankas. Solheim lea maid oasálastán ráfibarggus Sudanas, Nepalas ja Burundis. Son lei vuosttas eurohpálaš ministtar gii galledii Zimbabwe maññil go historjjálaš ovttastahttinráđdehus áсахuvvui. Son lea galledan Burma guktii gulahallan dihtii opposišuvnnain ja ráđdehusain. Solheim lea maid vuolgghan viiddis ovttasbarggu Latin-Amerihkkáin.

Politiikka

Solheim lea leamaš SG stuorradiggeáirras 1989 rájes 2001 rádjái. Son lea bellodatjodiheaddjin jagi 1987 rájes 1997 rádjái. Guovddáš áššit su áigodagas jodiheaddjin lea hábmet bellodaga deháleamos ruoná bellodahkan Norggas. Son lea maid mielde rievdadeamen norgga sosialismma maŋnil galbma soadi ja ráhkkanišgodii bellodaga searvat ráddehussii. Solheim jodihii Sosialisttalaš Nuoraid 1977 rájes jagi 1980 rádjái. Son lei SG bellodatčalli 1981 rájes 1985 rádjái.

Vuoddodieđut

Riegádan: Ođđajagimánu 18.b.1955

Ássanbáiki: Oslo

Bearaš: Náitalan, njeallje máná; Øyvind r. 1986, Mari r. 1989; Aksel r. 2001 ja Sofie r. 2005.

Oahppu: Cand.mag. (historjá ja servodatfágat), Oslo Universitehta

Beroštumit: Girjjálašvuohta, erenoamáš historjja ja soahteáiggi girjjálašvuohta.

Olggustallan ja valáštallan, erenoamáš spábbačiekčan.

Geavaha eanaš friddjaáiggi ovtastallat bearrašiin.

Son lea čállán guokte girjji: “Den store samtalen” ja “Nærmere”, maiddái čállán čallosiid áigečállagiidda ja eará bláđiide.

Bálkkašumit

“Champion of the Earth” – ON birasprográmma (UNEP).

“Hero of the Environment” – riikkaidgaskasaš áigečála Time.

Politiikkalaš doaimmat

2007- Biras- ja ovddidanministtar

2005 – 2007 Ovddidanministtar

2000 – 2005 Sierraráddeaddi Olgoriikkadepartemeanttas ráfisoabaheaddjin Sri Lankas

1989 – 2001 Sosialisttalaš Gurutbellodaga stuoradiggeáirras

1987 – 1997 Sosialisttalaš Gurutbellodaga jodiheaddji

1981 – 1985 Sosialisttalaš Gurutbellodaga bellodatčalli

1977 – 1980 Sosialisttalaš Nuoraid jodiheaddji